



59994




Mag. St. Dr.

P

Int. Ara amoris divini

Teol. 5365.

Knot 13.



Calpurn
A R A
AMORIS DIVINI
FLAMMIS,

AC
OLEO SAPIENTIÆ
A R D E N S.
D. THOMAS
AQUINAS
DOCTOR
ANGELICVS,

Recurrente annuâ Suæ Solennitatis luce,
In Augusta D. DOMINICI Basilica
ORDINIS PATRUM PRÆDicatorum
Celeberrimi Conventus Posnaniensis
Spectatori Magnorum Hospitum oculo
Cultû Panegyricô



A
M. JOSEPHO ANTONIO
DECLOS,

In Alma Uniuerſitate Cracoviensi AA. LL. & Philoſophiæ Doctore,
Scholæ Grammatices in Academia Poſnaniensi Professore.

PRODVCTVS.

Annò quò

Sacer Myſta in Ara Crucis pro ſalute humana inter
amoris incendia conflagrauit 1728.

Die verò 7. Menſis Martij

POSNANIÆ, Typis ACADEMICIS.

In Gentilitium Insigne
**ILLUSTRISSIMÆ DOMUS
 ZAKRZEWSCIORVM.**



59994 III
 Splendidus hastarum cū binio tendit ad astra,
 Monstrat ZAKRZEVIOS tangere mente Polum.
 Protegit hæc Patriam Gens, sævos enecat hostes,
 Quodq; tutatur Aras; id sonat hasta cadens.
 His scelus, hisq; nefas dirimit Themis, inclyta semper;
 Sub quīs tutò sedet, Lechica tota Domus.
 Hinc trepidate feræ Patriæ in spelæa ferarum!
 Hæ celeres Hastæ tanta ferunt spolia.

STANISLAUS de Garczyn GARCZYNSKI
 Vexilliferides Posnan: in Academ: Posnanion;
 Schola Grammatica Alumnus.

ILLUSTRI ac MAGNIFICO
DOMINO

D. ADAMO
JOSEPHO
ZAKRZEWSKI

VEXILLIFERO ŁĘCZYCYENSI,
NOTARIO CASTRENSI POSNANIENSI.

DOMINO ac MECENATI
AMPLISSIMO.



*Virtutum & Scientiarum Arcopagus,
intaminata vita Jubar, Caeli De-
licium, THOMAS D. dum ex
Oratorio suggestu AR A ardens
nuncupatus, publicam adorat lu-
cem, Tua Marvortia petit impri-
mis Arma, illaq; ad latus suum
deferre conatur, quibus strenuò
pro gloria inclytæ Gentis Tuæ valeat decertare. ILLU-
STRIS ac MAGNIFICE DOMINE. Decet jureme-
rito: ut hic, qui pro integritate totius Christianitatis for-
tis ac rigidus comparuit Heros, nunc dexterrimum pro
DOMO Tua Alcidas agat. Expedit, ut & celebrem
famam Tuam totum vulgatam per Orbem, intra sui Ma-
iestatem*

gestatem ferat, qui omne grave telluris pondus humeris
suis veluti alter Mauritaniae Atlas deportavit. For-
tem ipsum ab ortu semper latopatens spectavit Orbis,
etiam pro Tuo praclaro pugnando honore inermis non ex-
ambit observari. Domavit ille evaginato ingenij sui
acumine multas nefandas Hæresiarcharum catervas, de-
vincet & modò facile omnes irruentes in Illustrem Prosa-
piam Tuam adversæ sortis impetus, HASTIS Tuis Gen-
tilitijs innixus existendo. Addent illi Sarissæ hæ Tuæ
non parvum ad conflictum robur; deducunt prosperè ad
pugnam, cum etiam & illis non mirum est horridum cum
hoste inire certamen. Assueverant ipsæ optimè cum cru-
ento præliari Gradivo, didicerant insultantes hostium
pænitùs detruncare phalanges, quæ sæpenumerò cum tri-
umphalibus Domum redibant corymbis has pro præda
ac spolio nativo Patricæ solo offerentes. Volupe illis erat
non semel terribilem aspectu prosternere Martem; consen-
taneum fuerat, innumeras exercituum deprimere legiones,
quas toties suæ subjugarunt potestati, quoties cum illis
acerbum prælium iniverunt. Hebetabatur ad illas quævis
tumultuaria armorum collisio, enses toties frangebantur
districti, quoties eas præliantes advertebant. Formida-
bant universæ inimicorum acies, tremuere singuli, nec
iam in illas armatam sursum audebant extendere ma-
num, dum eas sufficientes fuisse ad resistendum cognove-
runt. Et quidni celebris evadere victor non debeat HE-
ROS D. pro decore Tuæ Familiæ certans; cum hæc ad
profligandum hostem Avita Tua defert manibus Arma;
à quibus certus dependet triumphus. Felix terq; beata
Domus Illustris Tua, quæ ejusmodi victricia ad defen-
dendum se ac Patriam continet tela; sed longè magis adhuc
felicior cernitur, cum tantos ad cruentata hæc enutritos
spicula luci publicæ exponit Heroas, qui Arte & Marte men-
te ac ense certare sunt potentes. Quilibet illorum magnani-
mum gerens in pectore Martem, non tantum proprij ast
& publici faber remanet honoris; & quemcunq; licet hac

de Stirpe requirere virum, certum est de Herdâ nasci.
Audet unusquisq; ipsorum pro bono præliando communi
in medios prorumpere ignes, ac in acutos obvijs ire pectō-
ribus enses, modo intactè Patriæ integritas conservetur.
Generosa illorum Indoles hoc maxime inter cætera curat,
ut non sibi ast Patriæ Regno prodesse possit, privatam
rem minori, publicam maiori pretio æstimando. Comparuit
hic Eorum multoties in pluribus negotijs erga Patriam fer-
vor ac zelus, & præcipue tamen tunc; cū ab hostibus
in gentibus opprimebatur angustijs, ubi pro salute illius ad
singulos inimicales insultus valentia corda plusquam
Spartana opposuerant robora, se ipsos in quævis discrimi-
na ingerentes. Videre erat infractum illorum robur, cum
Occidentales gentes ferrea in Rempublicam vibrabant ar-
ma; ut fortius Polonam attraherent libertatem, quam au-
ream norūnt, ubi non tardi ad danda repressalia hosti re-
manserunt, at adversis tela sæpe retundebant telis, modo
tantum ab immani Patriam perniciæ possent liberare.
Desinat jam Caput Orbis & Urbium Roma suos magna-
nimos numerare Heroes, cesset strenuis gloriari Manlijs,
Torquatis, Fabijs & alijs longo numerandis syllabo Bel-
latoribus, dum etiam æquales robore ac prudentiâ florentis-
simos Viros Illustris ZAKRZEWSCIORUM Familia
Mundo præsentat ad visendum. Singuli iisdem nomini-
bus ac titulis remanent digni, cum ad hos heroica illos con-
ducunt facta; quæ auro cedroq; notari debent. Prodit ex
his veluti ex splendoribus radius Illustris ac Magni-
ficus D. JOANNES ZAKRZEWSKI Avus Tu-
us, Magnorum Heroum Sanguis, Vir Sago Togaq; clarus.
Si prudentiam in eo admiremur, Macedo; si dexteritatem,
Achilles, si junctim omnia, unicum virtutum decus ac re-
gula mansit. Mollem Pater hic ætatis suæ genium duris bello-
rum initiavit laboribus, generosam suam in armis exercve-
rat indolem, ut intrepido vivum spiraret pectore Martem.
Facundum Cineam Eum Lechicus adoraverat Orbis, dum
liberis totius Palatinatûs votis, Nuntius electus, pro publi-

co bono peroravit. Quoties ponderosa de ore diferto pro-
tulit verba, toties aurea catenæ erant, quibus audientium
ligabat animos, hos sibi ducendo in applausum. Resplen-
duit melius illius animi indicium ad sacram Themidis bi-
lancem, dum ad Tribunal Regni Iudex Deputatus fue-
rat, ubi quidquid præceperat, hoc prius exemplo compro-
bavit. Illa consulta dabat, ad quæ non unus Cato suspen-
dit supercilium, & quamcunq; spartam assumpsit, eam sem-
per gloriôsè expedivit. Auxit tantæ fortitudinis decorem
Illustri ac Mag: NICOLAUS ZAKRZEWSKI dignif-
simus Genitor Tuus, grande ornamentum Regni, cuius he-
roicus animus ad sublimia natus, nil unquam non ma-
gnificum spirabat, nihil non Pelleo Iuvene dignum exer-
cebat. Aurora illius verè Musis amica erat, quæ ma-
turos aliorum vincebat meridies; juventutis flos coronæ
peridoneus, quia nec meritis immaturus. Sublime ingeni-
um eius Palladis Gazophilacium fuisse credo, ex quo
quidquid egrediebatur; vel oraculum, vel miraculum e-
rat. Quod si illius scrutabitur heroica dexteritas, hæc
certe mille laudibus debet celebrari. Apparuit in Lechico
Campo strenuus multoties Hercules, imperterritus Per-
seus, & tunc vel maxime: dum mordaces Sarmaticæ
gloriæ Minotauros geminis oculorum advertit syderibus.
Monstrabat sæpenumero dignas imperio species, ut à
pompa trophæorum Pompejus, à felicissimè accumulatis
triumphis, Augustus, Nerva adversam enervans potenti-
am dici deberet. Neq; illi facunda etiam rosei deerat
temperies labri, Legationis munere manens decoratus, ubi
pro rostris Majoris Poloniae perorans, tantum grato suo
sermone effecit, quantum bono publico satis erat. Aureus
sæpe in Areopago Tribunalitio Præsidem agens nuncupa-
batur Tripas, à quo certiora Delphicis responsa peteba-
tur. Acerrimus iurium propugnator dicebatur ab omni-
bus, dum tantam habuisse videbatur perspicaciam, ut sæpe
illam ad Lidium lapidem comprobaret. Non invidemus
retroactis sæclis Traianos, Severos, Phociones, omnium
lau-

laudes hic Polonus Aristides in semet ipsum derivavit. Non narro hic illius sexcenta in iudicando gesta, cum illius rectefactorum series, Historicam non encomiasticam poscat pennam. Ad ipsius tamen tot heroicos actus non possum intra silentij servare cancellos, Illustrem Magni Generis quia BIELSCIANI Magnatum Familiarum Sanguine junctam Genitricem Tuam, vertorem in Orbe Polono Corneliam: Virilis namq; illius animus & virtutum pulcherrima Corona, Superstitem in memoria posteritatis agit vitam. Influxerunt in hanc Heroinam excelsoe dotes mentis, resplenduit in ea non parva comitas morum, ardens honoris Divini zelus ac pietas, quas virtutes à teneris ita coluit, ut eas cum lacte quodammodo suxisse videbatur. Quod si larga in opem egenorum profusa illius spectetur munificentia? talis erat, quantam mens generosa exhibebat. Integros aliquando dies activa apud Tytum otiabantur beneficia, illi nullum momentum erat, quò monumentum gratiae suae non relinqueret. Et cum tam insignes virtutum Panoplias in praedictis miror; in Te has omnes evidenter aduerto Illustris ac Magn: Domine. Non Te latent aequalia eruditionis decora, nā haec collecta tenes, ac in Te veluti Homeri Ilias in nucis putamine claudis. Apparent praeclaræ Tui Sarmatico Orbi qualitates animi, adest praestò invicta mentis fortitudo, solers in agendis negotijs cappaçitas, quibus Tu virtutibus, à teneris statim sedem ac domiciliū in Temetipso posuisti. Prodiderunt Te Cuna Hercule, fasciae futurū pro Patria demonstrarunt Scipionem, qualisve vitae Tuae merities foret, aurora Infantiae tua ostendebat, quam ita gloriose absolvisisti, ut plurimos in stuporem rapere videreris. Idem Tibi cum magnanimo Duce Libiae fuere passus, qui nondum pueriles egressus fueras bullas, & iam literata bella movere conabaris. Adhuc pusio eras, & jam in prae-texta vir censebaris ætate, omnem morum elegantiam in Te assumendo. Monstrabas egregia benè formata indolis lineamenta, illis nimirum dando operam facinoribus, quæ maturioribus con-

veniebant annis. Noluisti diu benigna Lucina clarere beneficio, majorem claritudinem opinatus, quae speciosus propria virtutis adumbratur coloribus, & inclytes gestorum splendet miraculis. Non placuit Tibi Juveni Magno arundine equitare longa, verum ad pennigerum Apollinis Pegasus Te applicare maluisti. Ludus Tibi quo adolescentia saepe oblectatur non alius, nisi literarius fuit, in quo tam bene profecisti; quantum Tibi ad insigne gloria decus satis erat. Decurrebas strenue capacissimo ingenio docta hastata Palladis Olimpia, in quibus nunquam aberrasti, quia victor abibas: ad Cleantis lucernam noctes diesque vigiles agens, etiam ipsam Minervae Noctuanam illustrasti. Colligebas abunde copiosam sapientiae frugem ex Magni Jagiellonis manipulo, uberrimam exinde Sarmatia laturus messem. Post Scholasticam quam laudabiliter decurrebas arenam, in Martis processisti Castra, ut melius inter bellicorum armorum fulgorem Tuam expolires Juventam. Et dum in his non parva dexterritatis praebebas specimina, hostes videlicet in bonum irruentes Patriae profligando, adversos impetus repellendo, ac alia triumphalia peragendo opera, ab omnibus magnanimi Herois nomenclaturam possedisti. Nulla Tibi unquam absque successu effluxit hora, nullam calcasti arenam, ex qua Tibi victtricem palmam non produceres. Abire Tibi Gentilitiae HASTAE Tuae in triumphalem rotam, dum Te Victorem suum adorabant. Spectans tales ac tot meritis plenas dotes Tuas Lechica Ales, idcirco Tibi pro illis LECZYCYENSE obtulit VEXILLUM; cupiens: ut ab omnibus triumphator agnoscaris. Vocavit Te tandem Diva Themis in suum Augustal, ut illius dignissimus maneres Gestator. Poscebant Te paulo post concordēs Palatinatus voces, ut Judex ad Tribunal Regni fieres, quod munus renuere non potuisti, boni communis ratione victus. In hoc suscepto honore nil non laude publica dignum egisti. Observasti semper aequitatis regulas, nullas admovebas exceptiones, rigidus Justitiae Tutor existens.

-existendo. Proceasbas Tibi Lyceum, ubi in iudicandis
 causis, dum nonnisi in scelero, iam vibrabas gladium.
 Decretis Tuis ille non contentus fuit, cui ipsa Iustitia
 erat non ad gustum. Quis non miratur Hylicam Te De-
 mosthenis habuisse swadam, dum tam suaviter Nuntius
 multoties manens pro bono Communis status es locusus;
 ut à singulis non sine voluptate mentis habebaris. Com-
 movebas eloquio Tuo sapissime, audientium animos, quos
 nunquam exsatiare potuisti, dum elegantia sermonis quā
 pollebas, eos ad Te magis ac magis attrahebas. Sed non
 hic laudem Tuarum ac gloria meta, cum nec terminum
 reclarum actionum. Mireris plures insignes magnifico-
 rum encomiorum Apothecoses; postquam Te his concubrare
 Tua facta demandant. Precedis non levis ex virtute in-
 fractus Agamemnon in virtutem passus, non desinis. Tu-
 am Sapientia in Patriam diffundere odorem, quam ut
 fortunatam reddas; hanc Tua perspicaci corroboras mente.
 Nullum publicum privatumq, consilium reperitur; in quo
 bene Lechicæ non consulas Genti, ubiq, integritatem illius
 promovendo, dignitatem adaugendo, ac bono ipsius pro-
 videndo. Nemini deesse soles, aut omnibus semper prodesse
 curas; quidquid dicis, germanum est, quidquid cogitas, deter-
 minatam sapit, & quid agis, id posteris imitandum re-
 linquis. Quod si melius quis adhuc curiosiori mentis inda-
 gine actiones perpendat Tuas, certe nihil in illis non
 singulare advertet; videbit in operando prudentiam, in
 publicis absolvendis negotijs sanum iudicium, in dando
 liberalitatem, quæ singula recensere, ac hæc in compendium
 revocare, non unius penuræ labor adest. Addit aurum
 auro, gloriam Tuæ accumulat gloriæ ex inclyta NIEGO-
 LEWSCIORUM prodiens Familia, Illustris ac Magni-
 fica Domina Consors Tua CONSTANTIA Cunctarum
 probitatū lides. Pandorā esse dixorim iusto illi, cum omni-
 genæ eruditionis excellentiā adornatur. Adest animo Ma-
 sculo Camilla, Corporis venustate Grata Helena, mo-
 rum elegantia Venusina, quæ omni semper sua facta Domus

Tua augeat honorem, cupiens eam utraq; ex parte celebrem efformare. Continuant ultra insigne famæ Tuæ ac Illustris Familiæ decus, ad magnos nati honores gemini carissimi Filij Tui, ANTONIUS ac CÆLESTINUS. Sequitur Tua vestigia prior, verus Paternæ virtutis hæres, ornat meritis Domum, extendit suis aurb; notandis facinoribus ultra Sarmatiæ limites Illustre ZAKRZEWIORUM Nomen, ut illud tam Lechia quàm exteræ notum faciat Genti. Eminent non parva in Illo sensuum gravitas, comparet maturitas iudicij, in quo hoc solum ad laudandam vocatur crism, quòd honoribus in se locum ponere recusat, quos mavult mereri, quàm habere. Alterius, quem ad præsens suò erudito Lubransciana Palas fovet sinu, Indoles humi serpere nescit, cum ad excelsa quaq; virtutis amore sublevatur. Applaudunt tantis Tuis meritis ac gloria, æstimata & plurium Illustrissimarum Familiarum affinitates, Sarmatici lumina Orbis, RADOMICII, SZOLDRSCII, NIEGOLEWSCII, WALSZEWSCII, ZALESII, TARNOWSCII, SLADKOWSCII, MICIELSCII, STOKOWSCII, RYCHŁOWSCII, DĄBOWICZY, RUNISZEWSCII, SKRZYNSCH, SARNOWSCII, SUSINOWIE, KARZNICCYI, aliæq; innumera Domus, quas hæc pagina capere nequit, cum librorum folia amplitudine gestorum excedant. Concurrit post has & ARA THOMAS D. qui in Domo Tua stationem habere prætendit. Non nega ergo illi locum; repera Ei gratiæ ac favoris Ostium: Ipse verd non alia Tibi refundet, nisi Illustrem Familiam à quibusvis adversis immunem reddet procellis, Te fortunatis ditabit successibus, ac lucidis Aræ suæ flammis. Illustrissimos dignitatum Tibi accendet titulos, quos & ego voveo

ILLUSTRIS ac MAGNIFICÆ DOMINATIONIS VESTRÆ

Devotissimus Client & Servus

M. Iosephus Declos P. D. S. G. P.



ORATIO.



Erspicax terrigenarum animus, fatuis
 flammivomæ cupiditatis infascina-
 tus blanditijs, in tam crassas Stygias
 incidit noctes; ut serenô puræ fe-
 licitatis careat meridie AA. Quam-
 primùm etenim Tantaleâ ductus
 orexi versuti Orbis cæpit rutilare
 aurâ, protinùs obscæni Tenebrio-
 nis typum in semetipso exaravit. Nitentes fuca-
 ti luminis aggressus tædas, ratus ex eis indeficiens
 sibi illuxisse serenum; at votis elusus, in obcæcatam
 talpam degeneravit. Ardente ejusdem malesanæ li-
 bidinis focô, in obstrusum caliginis sese injecit an-
 trum; tristem occasum in eo sustinendo. Inter stil-
 lantes illius splendores, atris tenebrarum obruitur
 nubibus: præ quarum obscuritate, nitidum nequit
 spectare Phæbum. Fulgenti porrò ejusmet inni-
 xus lychnô, funestam subit Eclipsim, luce hâc, in in-
 gentes umbras manens inflammatus. Nec mirum

profectò, quòd hanc penes mutationem existat: de-
formis enim ac instabilis Numinis occiduum secu-
tus jubar, æqualis quoq; ab illo efformatur. Nesciunt
ullatenùs serena corruscare luce micantia phænome-
na ejus, quinimo nec prolixum collucendi possident
spatium; nam quàm citò refulgent, eò celerius à pro-
prio igne consumuntur. Protei mutatione splendentes
ejus congaudent radij, qui vix diaphanitate sua libra-
tam attingunt tellurem, illicò inter cavernosos ru-
gosorum montium colles absorbentur. Levis aura
ipsum hæc apparet flamma, quæ citius quàm ex ore
exit, dispersa inter cæteras æris athomos, non digno-
scitur. Atrum magis umbræ velamen, quàm lux hæc
illius nominanda claritas; cùm veræ lucis minimâ
etiam scintillâ careat ad lucendum. Infuscant veriùs
ejus succensæ Cynosuræ lucis insciam mentis aciem,
quàm in Apogæum illibatæ conducunt felicitatis.
Cæcutiunt sæpenumerò ad fumantem facem hanc
pleriq; Bellisarij, obcæcantur multi centoculi Argi,
qui innubem non morituræ famæ haud valent lynce
pupillâ lustrare diem. Hamantur Pharò hæc etiam
ipsi extra Romam ferreis rigentes squammis Lucij, ad
quam vespertilioes eorum animi sæpesæpius lippire
solent. Extenditur hoc crepidans fulgur in multos
Marios; bacchatur per integram terrarum plebem, à
quo tamen ab humo deducti non amoveantur mor-
tales; ast illud cæco Icari more non segni sequuntur
passu, eòdem illustrari gesticientes. Trahuntur in ar-
dentem hunc malignum Syrium eorum pectora, ita
sanè: ut nullus sit, qui eundem deferere videatur. O
furentem generis humani versùs futilem Orbis
fulgorem, avaritiem! itane jam lascivò hoc tota gens
ardebit fervore? sicne dolo deceptus in umbra locò
lucis inscius manebit animus? minimè: Exeste hinc
longè humanam decipientia palpebram mundana lu-
mina, exeste; tenebrescite ficti ac vesani libidinum ar-
dores;

dores, tenebrescite; veriôr nunc refulget Flamma in Stellifero Dominici Polo, quæ cuncta vesana suo nitore extingvit incendia; & flammigeris mentem tutatur habenis. Iam antea atrum, modò fulgidum sua claritate ignarum mortalium reddit animum, in sereno eum meridie collocando. Hanc si scire vultis: THOMAM *Divinissimum* advertite. Hic est verus consumens ignis, de solo Cælesti desumptus rogo; in quo lumen Sapientiæ, ac virtutis exardescit. Benè est; ARAM & ego flammis amoris Divini, ac oleô sapientiæ ardentem, inculta Panegyri demonstrare conabor. Permittes *Doctor Divinissime* incultæ oris mei facundiæ ARAM Te venerari, ARA ardens es: illustra umbratilem dictionem meam virtutum Tuarum radijs, ne ad Tuam coruscam cæcutiat lucem. Flagrabit facilè imbellis Oratoris suada, si tantùm Serenam attentionis Vestræ AA. advertet frontem, quam supplex exposcit.



Architecta Superùm omnipotentia, stupenda negotiorum condendo molimina, universa creans, nil sine mysterio creavit, nullam normam absq; arcano spatiofo terrarum indidit globo AA. Latepatentem enim in gyrum orbis idcirco sinuavit figuram, ad cuius peripheriam non intermissè sublunaria volverentur. Stelliferi splendorem Olympi, auricomum Phæbum inter cæteros Planetarum Orbes Supremum moderatorem constituit, à cuius luce cuncta sidera lumen proprium mutuuntur. Et ne solus excederet Sphæræ orbitam, eundem uno orbe coarctavit. Hinc nullum stabilitate sua licentiatur opus, verùm omnia Successione vicissitudinum glomerantur. Cælestia speculemur astra, hæc alia in Apogæo, alia in Perigæo hospitantur. Singula regularem Moderatoris sui occupant sedem, à cuius centro nec paulisper deviant, sancitô stabilita existendo. Idem in herbosa spectandum humo: nec de-

sunt humanō generi demissa cælitūs iussa, quibus eis cuncti proprios attemperent actus; quinimō inter hæc benignus Deorum favor bono providendo illius, ne suos ignoret venerari Penates, facilem cultūs sui porrexit modum, quem per flammās in aris accensas peragere demandavit. Obsequuntur spatiosæ Incolæ terræ commisso sibi Numinum mandato, torridos accendunt rogos, quadratas extruunt aras, quibus Divinam dignentur Majestatem. Non desinunt opimas apponere victimas, in quibus alij Sabæa suaviter olentia succendunt thura, cæteri candida lanæ offerunt vellera, ut his queant concelebrare Divos: ast libamine hoc alliciunt quidem Superos, non tamen devincunt; provocant, non stimulant; cū intermixtum iisdem donis intimi cordis votivum non eliciunt fervorem. Māgis defactō immensus Divinæ bonitatis Thesaurus calenti præcordiorum oblectatur piaculo, quā fumoso ac solenni holocaustō. Nul- lum ei charius munus, quā quod in solo pectoris domicilio instauratur. Nulla svavior Ara, quā illa, quæ Amoris Divini ac oleo Sapientiæ inter viscerum abdita exardescit. Et hanc credite fore THOMAM Divinissimum AA. Insistit promptè beneplacito Deorum Doctor D. flammiferos instaurat rogos, quos non alibi accendit, nisi in angusto intimi pectoris sui penetrali; ut charior ARA DEI exinde demonstretur. Suscipit hunc non vulgarem nam amore Cælesti ac Sapientiæ radijs corruscantem ignem, cuius splendori à teneris statim in semetipso spatium assignavit. Adhuc in utero Genitricis suæ Theodoræ incarceratus continebatur pusio; & jam Ætnæ Divini amoris flammæ novum sacrarium præparabat, ARA Deorum mox futurus. Necdum THOMAM adoraverat orbis & jam imminentem Amore DEI ac Sapientiæ oleo exaltantem Arsinium, singuli geminato orē proclamabant. Nec vana hæc circa THOMAM prophetia, verificari debuit

debut, dum è Theodora Matre erat oriturus. Do-
num DEI Mulier cùm sit, non alium edere poterat
filium, nisi Divina quæq; anhelantem. Non parit utiq;
accipiter upuppam, nec musca Leonem; utq; na-
scantur Aquilæ, Aquilis opus non columbîs. Hic altô
perpendite Iudiciô stupendum Infantis THOMÆ
Horoscopum AA. Quamprimùm enim Cælestis In-
fans è Theodoræ profiliens sinu, primis labrîs com-
munem attigit auram; illicò totus igneus Cælesti
succensus entusiasmô sese exhibuit universis. Vix
Infantili manu matrem tetigit terram, protinùs cui-
vis apparuit notus, quòd ad calentes natus fuerit Aras.
Adhuc in primævo ætatis permanebat verè, & iam
nihil terrenum sapuit, inter homines nil humanum
præter carnem gerens, ita continuò in DEV M fere-
batur fervore; ut se veram ardentem flammis amoris
Divini ARAM præsentâret. Nulla Ei gratior dilectio
quàm ad ARAS, nullum jucundiùs solamen, quàm ac-
censos cultui Divino extruere focos. Eluxerunt pro-
tinùs in tenello pectore Ejus non exiguæ ipsum supe-
rantes Vesuvium sanctimonie flammæ, quas Gentili-
tiæ ejus extinguere non poterant undæ, cùm jam in
maximum incendium excreverunt. Neq; satis erat
THOMÆ ejusmodi ignium rutilare fulgoribus, plures
adhuc ad ardentem ARAM suam gestiebat collige-
re splendores; ut clarior undiquaq; eminere videa-
tur. Et invenit hæc quæ voluit THOMAS: vix e-
nim pendens ab ubere lactantis Nutricis sagaces o-
culorum palpebras in pavimenti convertit aream,
protinùs insolitum lumen, nam Signum duodecim stel-
lis micans, pagine impressum advertit, quod in
ornamentum ARÆ porrigi sibi exoravit. Abijcit
jam longè puerilia crepundia Cælestis Infans, vin-
ctas è fasciis dexterâs solvit, Matris retrudit ubera; imò
lachrimas quæ pondera vocis habent ab oculis fundit,
& ad AVE MARIANUM humi jacens toto virium

contendit anhelitu. Obsistunt desiderijs *THOMÆ*
Nutrices, votis illius obtemperare nolunt, jucundâ tan-
tùm rerum delectant varietate, suavis aures recre-
ant Pæanis; ut avidam ejus queant avellere mentem.
Sed quid ad hæc *THOMAS D.* spernit cuncta blan-
da earum verborum lenocinia, Syrenos auribus non
percipit cantus, firmus in suo proposito remanendo.
Sinatis melius tutrices exulcerare *THOMAM*, porrigi-
te hæc quæ terræ incumbunt, & sic serenum efficie-
tis Iuvenem. Non vanidum molimen hoc *THOMÆ*
credatis fuisse, *ARA* enim ardens est, idcirco paginam
hanc Mariano insignitam nomine, proprio igni in ali-
mentum porrigere prætendit. Parent jam quoq; sin-
guli beneplacito *THOMÆ*, negatam ad legendum
chartulam tradunt, quam magno cum plausu utraq; ar-
ripiens manu, dat ei prius oscula mille, post tenello
ori masticandam devovit. O stupendum *Mariani*
Nominis heluonem *THOMAM*! qui uno haustu *DEI*
Genitricem deglutijt *MARIAM*. Formate nunc ve-
stros de *THOMA* sensus *AA*. Nonne ardens com-
paret *ARA*? cum Sole amictam intra se complectitur
MARIAM, nonne corruscus? rubo ardenti manens ca-
lefactus. Bene imò optimè Tibi consuluisti *THO-*
MA D. quòd hoc in augustali cordis Tui inclusisti
lumen, nullas unquam expavescas umbras, cum Ti-
bi Stella ex Iacob præstò adest. Tantò iam repletus
æstu Cælesti cum fuerit *THOMAS*, accrescit tandem
infantilibus evolutus fascijs in majorem ætatem, utq;
& in majores excresceret flammæ, has oleo sapien-
tiæ nutrire meditatur. Deserit Patrios lares, tùm
dulcia arva, Domesticos splendores ac fumosam *Abo-*
rigenum claritatem renuit; & doctis *Palladis Musæis*
alligari exoptat. Pergit in sublimem *Cassini montis*
verticem, in *Sacra* (nam *Benedicti*) novus *Anacho-*
reta quiescit eremo, ut ultra ardentis *ARAB* rutilos per-
ficiat splendores. Satis apprimè Tuo arrisisti voto
THO-

THOMA D? igni enim non aptior locus, quàm desertum videtur, nam quò magis ad nemora accedet, eò lucē majori abundabit. Assurgite hic citò venienti **THOMÆ** votivos in plausus Cassinenses montium colles? orientem minùs spectate Phæbum; dùm **ARA** ardens **THOMAS** vestros inter ambitus suum explicat splendorem. Videre nunc sublimem aut non elatam in Cassin'o monte **THOMÆ D.** mentem; non aliundè prima Literarum exordiri videtur elementa, quam ab illo, qui *Alpha* & *Omega* dici voluit. Necdum loqui **THOMAS** perfectè scit, & jam inde inchoat, ubi magna ingenia deficiendo obmutescunt. Supremum Mysticæ scientiæ enixè scrutatur objectum, sæpissimam Erothesim format *QVID EST DEVS?* forsan **DEVM** ante omnia, se ipsum ante studium omne cognoscebat. Iustè hoc de **DEO** instituis quæsitum **THOMA D!** **ARA** enim **DEI** ardens es, nil magis contemplari debes, præter **DEVM**. Peracto igitur inter Cassini atria montis lustro **THOMAS D.** ephæbus à Phæbo Cassinensi recedit, deserit Benedicti desertum, in quo sibi non parvos sapientiæ accumulavit splendores; & celeberrima Neapoleos aggreditur Pergama. Consistit in bicollis Parnassi luco, ut clariùs ardentes ipsius radij **ARÆ** seminerent. Nec immeritò: resplenduit etenim in Neapolitano Helicone non exiguis sapientiæ flammis, ubi æstu ingenij sui totam Hypocrenem exsicavit. Spectans talia **THOMÆ** præclara opera pharetratus Cynthius, jure debito locò cedit, ut cum novenario Musarum choro **ARA** sanctior coleretur. Erumpunt altiùs in plausum **THOMÆ D.** Aganippidum undæ, ac blando susurro hanc sibi gratulantur felicitatem, quòd in effusa Parnassi umbra, novum experiantur Hyperionem. Hactenus jam ingentibus studiorum adauctus incrementis **THOMAS** ne famulando Apollini ad ejus lyram deliret, mutat sedem; aliam sibi commodiorem Provinciam quærit, quam si scire

vultis; Sacrum Prædicatorum Ordinem autumate.
Tendit ad hunc plusquam Attalanteo passu, cui le-
nes Paraniomphi Cælestis favent Ethesiæ: candida Re-
ligionis exoptat adornari cyclade, ut tutius ardentem
flammis ARAM, à fatuis ignibus valeat conservare.
Linqvit illustres Siciliæ & Arragoniæ Avorum Ce-
ras, & in Domum confugit obedientiæ, nativis exui-
tur splendoribus, ad umbras Religiosas properando.
Quid agis THOMA D? ad quid alta honorum non
acceptas subsellia? cur Caput Tuum coronis quæ te
exambiunt redimire recusas? si Tu non vis! saltem
virtutem Tuam coronari permitte: non ne scis? plu-
rimos Iasones per magnos turbines rerum vix non
ope Dædalea in honoris ferri chersoneson, ane igno-
ras multos Lescos per clavibus ornatam semitam
ad coronam Regalem tendere? Hæc dum loquor:
verba in ventum semino; non audit hæc THOMAS,
cùm sciat quid agat, recedit à mundo, ut propius æ-
stuantibus Deum attingat flammis: dissolvitur cum
eo, ut facilius cùm Deo jungatur. Non in casum
certè Orbi injurius THOMAS; novit illum perbellè
versatilem fraudum fuisse Architectum, ubi quem amat
hamat; quem honorat onerat; quem illustrat, eum in
horridum transmutat monstrum. Utq; jam ab illo
non cognoscatur, nomen ipsum mutare exoptat: per-
git ad claustrum Dominici, puritatem à candidis lilijs
ejus habiturus; sub fulgenti ejus locatur face, ut nesci-
um umbræ fulgorem consequatur. Applaudet felici-
tati Tuæ inclyta Prædicatorum Religio, plenariam
nacta es indulgentiam, dum THOMAM ARAM ju-
bileatam intra Tuas Aedes veneraris. Neq; majus
ornamentum habere potuisti, quàm cùm fulgentem
oleo sapientiæ Phæbum complecteris. Vix ergo
THOMAS Sacri instituti attingens limina, candido
vestitur amictu, mox ex asse muneri suscepto cor-
respondet. Claret cæteris verecundiâ morum, cun-

ctos virtutum exsuperat splendore, quæq; gloriosa
exequendo. Stupent Confratres THOMAM, quod in
uno viro talis sapientiæ reperiatur magnitudo: miran-
tur sublimitatem ingenij ejus; at Mundus invidet hoc
THOMÆ eruditionis jubar; ideò novam Gigantonoma-
chiam movere meditatur; quâ Aram oleo sapien-
tiæ stillantem extinguere valeat. Advertit invidum
Orbis astum THOMAS, idcirco hunc evitare volens,
Lutetiam proficiscitur. Securum ac tranquillum
innocuus THOMAS sibi pollicetur tractum, ast mox
contrarium experitur; incidit insperatè in Scyllam qui
voluit effugere Charybdim. Obsedèrè enim viam
tendenti THOMÆ amentes non amantes prædones
fratres Arnoldus & Landolphus, qui ardentis Aræ
Sanctioris flammam dispellere ac suffocare volentes;
turbidos in eas concitant Æolos. Aggrediuntur ipsi
ad extremum scelestâ eundem manû, prosequuntur
infernali non fraterno amore insontem, niveo denu-
dant amictu, onerosis invinculant compedibus, insuper
ad latebrosam carceris injiciunt antrum, ut ab igne
Cælesti possint avellere THOMAM. Tollerat hi-
lariter hos sævos cruciatus Fratrum *AQUINAS*, ma-
jora subire anhelat supplicia, minimè furorem illorum
perhorrendo. Sinite, sinite insequi ò Fratres furibundi
THOMAM Divinissimum; stabilem propositi ejus
non devincetis animum, qui nullatenus potest
superari. In cassum fulgentem ARAM hanc spelun-
cæ destinando obnubilare vultis, cum splendor ejus
haud aliquem unquam tristem ante se scivit præfer-
re occasum. Intruditis carceri tenebroso THOMAM,
fulgebit etiam splendidius Orbis utiq; lux sub modio
asservata majori erumpit flammâ, clariorq; manet sem-
per post Nubila Phæbus. Neq; tamen adhuc vesa-
na contra THOMAM limitatur rabies; addit furorem
furori, irritam imitata novercam Theodora, evocat
in THOMAM Orcò furias, ore fumante spumat, pu-

ritatem ARÆ læsura sanctioris. Et cum sola nil efficere potest geminas Ejus commovet sorores, quibus mandat; ut lenocinantibus verborum favonijs Sanctam Iuvenis devincant pertinaciam. Nolite talibus Theodoræ obedire jussis ingenuæ virgines? Recedite longè à THOMA? ARA enim THOMAS ardens est; mox vestras teneras pudore suffundet genas. Hortemini potiùs insipientiam Theodoræ Natæ, ut desinat jam insanos in THOMAM extendere furores; dùm his innocuum non deterrebit Iuvenem. Svadent Genitrici filia, ast hæc iracunda mulier, auribus non percipit suis, sævit magis ac magis in THOMAM, laqueos parat, quibus valeat illaqueare THOMAM. Denegat ipsi libertatem animi, & ad libidinis licentiam latum aperit campum. Instruit in innocuum scelestam ac impudicam Venerem, ut illecebris suis omnem ab ARA ejus sanctiori removeat indulgentiam. Ingreditur carceris repagula splendido ornata vestitu pulchra Turpilia, quæ statim in primo sui ingressu suum THOMÆ pollicetur amorem ut Divinum eripiat. Quid ages ô THOMA! paratum in stadio cernis hostem; qui Tuo ardentis ARÆ invigilat splendori. Ad arma ad arma Divine pugil; hic Tibi aut vincendum aut moriendum est. Necdum dixi, fecit iam THOMAS D. arripuit ex ardenti Divini amoris ac sapientiæ ARA, igniferum titiorem; & effrontem propulsavit ac confudit Medusam, novo prodigio ostendens: quandoq; ignes ignibus extinguendos. Exulta exulta THOMA D. quod tale deforme & pænè infernale superasti monstrum; attolle victoriæ Tuæ triumphum! ut triumphus Tuus ab omnibus videatur. Nullæ jam abhinc asperæ contra stillantes ARÆ Tuæ flammæ consurgent ab Aquilone procellæ, dùm his dexteritate Tua Herculeum non plus ultra posuisti. Adepto tantò insigni triumpho sanctior ARA THOMAS; redit in Patrium

Domi.

Dominicanæ Religionis solum, cunctis virtutibus ac morum elegantia illustris existendo. Occurrite celeriter **THOMÆ** obviam inclyti Dominici Patres reducem salutantes, cum talem denuò obtinuistis Phæbum, qui longè sciet suâ claritatē virtutis, crassas à vobis repellere umbras; ast nec diu Eum intra vestros continebitis lares, quem sapientiæ ardor ad externos avocatur soles. Linqvit Religionis ostia, & in alia celeri appropinquat passu. Aggreditur celeberrimam Parisiensem Academia, clariores sapientiæ radios adepturus. Favent desiderijs **THOMÆ** Superi, felici illius vota coronant successu, dum cappacitati ejus magnum Præceptorem applicant Adalbertum. Profecit mox plus sub magno hoc scientiarum Doctore **THOMAS**, quàm olim sub Platone Aristoteles; cum supra Magistrum Discipulus evasit. Surrexit cunctorum stupore Præceptore major, qui ita singulas sagaci ingenij sui acumine, absorbsit scientias, ut nulla jam reperiretur talis, quæ in ipso condi non valeret. Mutuari quodammodo videbantur Sorbonenses Palæstræ ab illius ardenti virtutum ac sapientiæ. **ARA** splendorem; ast lucrari non poterant, cum hæ admirandæ eruditionis dotes à solo Cælo soli concessæ fuerant Aquinati. Et cum supra cæteros tanta ingenij sublimitate assurgeret, infra omnes abjectus esse exhibit. Humilitati soli indulgens **THOMAS**, ne multa sciendo sapiens nominetur, Harpocraticum ori imponit silentium; unde muti nomenclaturam Bovis à Compalæstritarum obtinet salibus; quasi tunc tantummodo censeatur disertus, dum tonat; aut ingenti murmure æthera implet. Non competentem fulgori **THOMÆ** attribuitis titulum fratres! Bovem eum fuisse proclamatis: qui Angeli merebatur etymum. Detrectatis video profundam taciturnitatem illius, planè ignorantes, proximum illum fuisse DEO; qui scit ratione tacere. Errastis hoc in passu collactanei

THOMÆ errastis, qui à prima fronte res æstimantes, sub crism sanctiorem **ARAM** convocastis. Bos quidem ex joculari cognomine vestrum **THOMAS** est, sed ille qui in victimam Numini cedit; hic est: qui svave jugum Christi multis Hæresiarchis terribile portabit. Audietur mox vocalis ab orbe mugitus ejus, ad quem Orthodoxa exultabit fides, perversa stupebunt capita. Quodsi verò ad præsens mutum spectatis **THOMAM**; loquitur pro eo vices ad tempus adimplens illius Inclytus Instructor Albertus, hoc de illo arbitrium formans. *Tu mihi non respondentis sed Doctoris locum obtinere videris.* Bene est magne Ponderator mentium: meretur **THOMAS** ut inuis Doctorale hoc præ alto silentio suo ac sapientiæ fulgore scandere fastigium, nec aliud præclaras virtutes illius sequi præmium debet, quàm hic celeberrima Doctoralis Cathedræ suggestus. Tempus est sublimis virtutes illius ac eruditum caput (quod nil præter **DEUM** sapuit) Theologica redimiri corymbô; & qui legitime certavit, opus est, ut Doctorali diademmate coronetur. Tardus ad honorem comparet **THOMAS**, maximè vitat eum, non ut onus, sed ut præeminentiam: timet in serto aculeos, in Toga veretur tineas, avertit ab eo oculos, ne ad illud concitetur. Effugis effugis dignitatis gradum Cælô dilecta propago? quasi nescias honorem sequaces fugere, fugientes sequi. Splendes virtutum panoplijs, rutilantesquè ex Tua ardenti **ARA** in Orbem ebulliunt sapientiæ flammæ; ut etiam honore refulgeas Doctoratûs, est necesse. Persistit in oblato sibi honore **THOMAS D.** quem nunquam suscepisset, si à Legato Cælesti per somnum præcautus non fuisset. Occupat Superiorum mandato augustum Cathedræ Doctoralis spatium, ubi in primo accessu talem se exhibuit, qualem se nemo majorem appromittet. Eminebat supra felicitatem suam non tam locò, quàm Sapientiæ oleô magnus

gnus; nota ei fuit in agendo constantia, in resoluendis difficultatibus facilitas, in omnibus subtilitas non postrema, quæ Doctori **D.** illustrem parabat gloriam & triumphum. Concurrerant ad sacram Scholam ejus universa Lycæa Mundi, properabat Gallia, Lute-
tia, Bononia volabat, cupiendo luce sapientiæ ejus illustrari. Placuit singulis hoc corruscans ardentis
ARÆ jubar, quod cunctorum ita ad se allicere vide-
batur pectora, ut & ipsa primæ magnitudinis sydera
Cælestis Provinciæ Principes **PETRUM** & **PAULUM** cæ-
litus detraxerit. Adfuerat **PETRVS** ut dignè sacratam
veneretur Aram, adstiterat **PAVLVS** ut ab ejus fulgen-
ti sapientiæ oleo, flamma, districto Mucrone suo quas-
vis adversas procul repelleret umbras, uterq; pro ma-
jestate sanctioris certabat **ARÆ**; qui ut solennio-
rem efformare queant, effigies suas pro simulacro huic
offerebant **ARÆ**, cupientes: ut sub illorum titulo cele-
bretur. Mensurare hinc immensam **THOMÆ** magni-
tudinem universi mundi ambitus potest, postquam
Cælum ipsum tot sanctis, quot fideribus illustre,
ARÆ suæ effecit obligatum. **ARAM** iam cuncti
Sapientiæ ardentem oleo **THOMAM** geminata pro-
clamare debent voce, cum radijs suis & stelliferum
tetigit Olympum, atq; luce suâ integram telluris mo-
lem illustravit. Sensit hunc rutilum fulgorem **ARÆ**
à procul adhuc Stygijs incubans palludibus, nefanda
Hæresiarcharum cohors, atque nitore ejus perstricta
manens, buccinanti ore ac rictu immani per suum ex-
clamabat Buccerum *Tolle THOMAM & dissipabo Ec-
clesiam.* Sile fætida proles cum Tuo Buccero fraudifra-
go authore; abstine à tali musurgia! ne te vox in pu-
blico prodat, quid meditaris! & ne incidas in flammæ:
jam contra Te conclusum; dum contra **Manichæos.**
Apposuit ubique locorum Doctor **D.** ignivoma eru-
ditionis retia, quocunq; serpes, implicaberis. Et ne
D jam

jam ampliùs deformis bellua caput suum in altum
sublevare posset, obvenit huic tempestivè THOMAS;
exarat graphiò summarium Theologiæ, librorum fo-
lia expandit, ut his melius Incolas Orci valeat de-
bellare. Paratur hinc pro tali triumpho insignis
THOMÆ Apotheosis laudum, quam non ex ore
Homeri, ut olim dexterrimus Achilles, aut Plinij ut Tra-
janus audit, ast à perfectissimo Magistro Christo; *Be-
ne scripsisti de me* THOMA, id est non obscuras de
ARA Tua ardenti eruditionis jecisti flammās. O opti-
mum omnes humanas excedens Panegyres bene!
quod à summo est derivatum Bono: ò dulce elogi-
um Incarnati Verbi! quò nihil meliùs ad enarrandam
THOMÆ D. celebrem gloriam mundani dicere
possunt Oratores. Promeruit defactò supremum ar-
bitrum DEUM Aquinas sui laudatorem habere, post-
quam excelsa sua Angelicā prudentia, non tantum ter-
rena Encomiastarum superavit ingenia; ast jam ipsas
Cælestes Intelligentias anteire videbatur. Commo-
tus Cælesti tanto encomio THOMAS Divinissimus,
ut laudata in eo magis excresceret virtus, ad Lugdu-
nense festinat Concilium, utquè ARA ardens oleò sa-
pientiæ ab omnibus comprobetur, cum lumine sci-
entiæ ad resolvenda quæquè dubia tendit. Sed heu
dolor! heu infelicem casum! nullum lumen est, quem
sua non sequatur caligo; currit veloci passu in locum
assignatum THOMAS, & en in via morbidò percussus
ictu, in obscuram fatorum incidit fossam. Favet mox
tendenti Aquinati ad vitæ vesperam illustre Cælitus
demissum sydus, ut ab illo & atras procul fugaret ca-
ligines, & ad portum præluceat æternitatis. Conti-
cescit jam hic in bellis dictio mea; hucusquè præ-
claras virtutes *Doctoris* comitabatur *Divinissimi*, quo-
usquè in terris Divinum adoravit THOMAM: sed
cum in alto est, jam eum in splendoribus Cæli nul-
latenus

latenùs concipere valet. Coram Te nonnisi Aquinaticis hærens in laudibus scenam plausum agit Sacratissime ac celeberrime Prædicatorum Ordo. Felicissimus es; quòd nihil educare noveris, nisi Cælò dignum. Mereris summas laudum Panegyres, quòd è Tuo nido non fatui evolant Phæétontes, at ipsi Joves producuntur statores radijs virtutum universo allucentes. Devincis plerumquè plurimos ingenij Tui sublimitate animos, ita: ut nullus sit qui Tibi valeat adæquari. Omnium scientiarum ac conglobatæ sapientiæ præsentaris Pantheon, dùm semper in Te cuncta dominatur virtus; ac excelsa crescit probitatum propago, quâ totus pænitus reficitur orbis. Fatetur universa sublunarîs quâ latepatet mundi Orchestra, fatentur singuli illius Accolæ, totam sui molem in tristitia, desinere, ac in deterius volvi, si virtutum Tuarum pondere non sublevaretur. Augustus honorum splendor, quoties Tuam Religionem ingreditur, toties in umbris Tuis clariùs elucescit. Ex Tua Janua plus quàm ex Thæbana milleni sese eruditi effundunt viri; quibus Papales Tyaras, Cardinalitios galeros, Episcopales Infulas, Doctoralia Bireta, Martyrologias palmas gestare non est paradoxum. Tibi ergo ad hos successus *ARA* Cælestis **THOMAS**, ipsum Cælum adhuc reddat subjugatum. Te *ARAM* flammis amoris Divini ac oleò sapientiæ ardentem umbratilis mea cùm protulerit svada **THOMA** Divinissime! serenos proinde Sarmatico Orbi accende dies, & purum fortunatorum successuum adde meridiem; ut nunquam tristem aliquando adversæ fortis experiatur occasum. Sceptraferam Regum Matrem, quatuor sæculorum caniciè gravem, primam Regni Scholam, magnarum Altricem mentium, Almam Universitatem Cracoviensem Tuo Nomini addictissimam nitidis favorum Tuorum illustra radijs, lumenquè Tuum Ei indefi-

1728
1728
1728
1728

ciens exhibe; ut semper publicum spectet inclyta So-
lem. Magnæ Parentis Filiam Lubranscianam Palla-
dem, Sanctioribus ARÆ Tuæ ardentis illumines flam-
mis, ut sub Tua inextincta permanendo luce, ad me-
liora quæquæ accendatur. Arbor ejus, ut cuncta su-
perando invida, vertice suo sydera pulset; illam gra-
tiosâ manû in spes meliores erige, turbidas Aquilo-
num procellas longè ab ea propulsando. Omnibus
qui Tuo honori dona ferunt, onerantquæ ARAM,
meliori comâ perennis lætitiæ sparge serenum, adde
gartias gratijs, publica renascentis felicitatis sæcula
oleâ pacis coronata largire, ut à Tuo sacrario gratio-
sum adepti jubileum, Te ardentem ARAM

Amoris Divini flammis, ac Sapientiæ
oleo proclament, facundo Mer-
curij deprædicent barbytô, cla-
rioribus buccinent tubis,
qualem ego levi Tibiâ

D I X I.

Solus Solus Solus Solus

28
28
28
17

12



*Solus Dominus magnus
et nemo major illi
Dico quia nemo potest illi*



*La Virgo Maria. est
Virgo castissima*

20.7.49



Biblioteka Jagiellońska

SIdr0022376

